



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

76. Sabb. Septem dolores B. Virginis.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

lentam vel floridam iniverit, per talem decurret. Si pestis in semine sit, perversum erit germen. Testa figuli male initio cocta, fundamentum in arena, infans deformiter coctus, affecta erunt omnia. Parvus initio error in magnum excrescit cundo, qualis fons, tales fluvij. Quomodo perfectionem se consecuturum speret, qui ab ea non incepit? Reflectam me ad hortum, in quo fuit Adam, & hunc, in quem introivit JESVS, & quæram, cur ex simili loco tam dissimilis exitus? Adæ infamis, Christi victoriosus? solvet mihi dubium D. Bern. loquens de Adæ lapsu: Ser. de S. And. *Non habuit fortitudinem, quia non habuit fervorem. Petam fervorem, sine quo non habeo fortitudinem.*

Conf. 3. Duo media ad fervorem auctore Christo dari: Alterum, bona consuetudo in omnibus ferventer operandi: alterum frequentatio SS. Luc. 22. *ibat Dominus secundum consuetudinem in montem olivarum.* Matt. 26. *est: Oliveti, id est, vallis pinguium; quia spirituali pastus cibo conscendere debet montem virtutum, quibus ungatur & reficiatur.*

MEDITATIO LXXVI.

Sabbato Dom. Quinquag.

Septem dolores B. Virginis.

Videbo B. Virginem luctu plenam, septem dolores

Sabbato Dom. Quinquag. 123

doloribus lugubrè vestitis circumseptam.
Petam eos agnoscere, eique compati.

Aspiciam 1. dolorem nondum è corde
Virginis deletum, in prima Christi ab Herode
persecutione ortum.

2. Dolor: De quo ipsa dixit S. Brigittæ,
Lib. 6. c. 56. 57. 58. in cogitatione fuit D. Vir-
ginis dicentis: Quoties aspiciebam Filium
meum, quoties involvebam pannis, quoties
videbam ejus manus, & pedes, toties animus
meus quasi novo dolore est absorptus: quia
cogitabam, quomodo figeretur cruci.

3. Dolor, qui fuit, inquit D. in auditu meo:
Nam quoties audivi opprobria, & mendacia
& insidias filio meo positas, animus meus
mokus est ad dolorem, ita ut virtute Dei co-
hiberi debuerim, ne motum transirem ho-
nesti, & ne impatientia, vel levitas notaretur.

4. Dolor fuit in visu, inquit, meo: nam
quando vidi filium meum flagellari & liga-
ri, & in ligno suspendi, dolore quasi exanimis
reassumpto deinde spiritu steti dolens, &
patiens, ut nec inimici mei aliud in me re-
perirent.

5. Dolor, in tactu, inquit, meo: Ego eni-
cum alijs deposui Filium meum de cruce, &
involvevi, & imposui in tumulum, ubi sic au-
gebatur dolor meus, ut vix manus meæ, &
pedes mei habuerint robur ad sustinendum.

O quàm libenter tum fuisset sepulta cum
Filio meo!

6. Dolor desiderij. Patiebar, inquit, et
vehementi desiderio perveniendi ad Filium
meum, postquam ipse ascendit ad coelum.
Quia longa mora, quã habui in mundo post
ascensum ejus, dolorẽ meum augmentabat.

7. Dolor compassionis dilectorum Dei.
Patiebar, inquit, dolorem ex tribulatione
Apostolorum, & amicorum Dei, quorum do-
lor erat dolor meus, timens semper, ne suc-
cumberent, & dolens, quòd verba Filij mei
ubique haberent contrarietatem.

MEDITATIO LXXVII.

Dominica I. Quadrag.

Tria mala mundi triplici modo superanda

V Ideo Dominum anno ætatis suæ 31. a
7. Januarij post baptismum usque ad 18.
Febr. jejunantem, & tentatum in eo deserto,
ubi inciderat in latrones ille. Luc. 10. Petam
lumen pugnandi cum hoste, & vincendi.

Conf. 1. Primam hostilitatem esse delecta-
tionem, quæ sub falsa ratione boni obijci-
tur sensibus, & appetitui. Sic dæmon hodie
Christo objecit panes, quem Dominus con-
tinuò rejecit unico, *Non in solo pane &c.* Quod
remedium contra delectationem ipse fuisse
explicat D. Gertru. l. 4. c. 17. *Cum quis impu-*
gnatur